



Comharchumann Oileán Árann Mhór CTR Oifigeach Pleanála Teanga

An cainteoir cumasach Gaeilge tú le suim faoi leith oibriú ar feadh tamaill i ngort na Gaeilge le pobal Árann Mhór, Co. Dhún na nGall? Tá caighdeán iontach saoil le fáil ar an oileán, oileán a bhfuil seirbhís mhaith farantóireachta ar fáil ann ón tír mór agus nach nglacann an turas fhad leis ach fiche bomaite.

Tá post mar Oifigeach Pleanála Teanga á thairiscint ag Comharchumann Oileán Árann Mhór CTR. Is é Comharchumann Árann Mhór i gcomhar le Coiste Stiúrtha Pleanála Teanga Árann Mhór atá freagrach as plan teanga Árann Mhór a chur i bhfeidhm. Is plan seacht mbliana atá i gceist a bhfuil d'aidhm aige cur leis an líon cainteoirí laethúla Gaeilge sa LPT. Is ar an Oifigeach Pleanála Teanga a bheidh an phríomhfhreagracht an plan a chur i bhfeidhm.

Is post ar chonradh trí bliana atá á thairiscint agus is féidir cur leis an tréimhse sin. Beidh an té a cheaptar freagrach as cur i bhfeidhm bhearta an phlean teanga. Beidh an té a cheaptar fostaithe ag Comharchumann Árann Mhór CTR agus freagrach don Cheanneagraíocht maidir le clár oibre aontaithe a fheidhmiú. Duine cumasach a bhfuil taithí aige/aice i réimse oibre na pleanála teanga nó in ábhar gaolmhar atá á lorg.

Fáilteofar roimh iarratais ó dhaoine leis an taithí agus na cáilíochtaí seo a leanas:

- Ardchaighdeán Gaeilge, idir labhartha agus scríofa
- Cáilíocht ábhartha tríú leibhéal i réimse na pleanála teanga/forbartha pobail nó taithí ábhartha fadtréimhseach i gceann de na réimsí sin
- Tuiscint agus taithí mhaith ar chúrsaí pleanála teanga, ar fhorbairt pobail, ar obair oifige agus ar phlé le coistí/struchtúir phobail
- Taithí ar bhainistiú agus ar chur i gcrích tionscadal
- Scileanna maíthe cumarsáide, áisitheoireachta, comhordaithe agus idirphearsana
- Taithí ar bhainistiú foireann oibre
- Eolas agus taithí ar bhainistiú airgeadais.

Beidh an duine a cheapfar lonnaithe in oifigí an Chomharchumainn.

Beidh 37 uair an chloig oibre sa tseachtain i gceist le cúraimí an phoist seo agus beidh freastal ar chruinnithe taobh amuigh de ghnáth-uaireanta oibre mar chuid de na cúraimí sin. Beidh taisteal i gceist leis an phost, mar sin ní mór d'iarrthóirí ceadúnas tiomána oiriúnach a bheith acu. Ag brath ar thaithí an iarrthóra, beidh tuarastal idir €35,000 agus €50,000 ag gabháil leis an phost.

Tá an plan teanga don LPT ar fáil ar an suíomh idirlín <https://www.arranmoreisland.ie/pleanail-teanga-language-planning/>.

Seoltar iarratais mar aon le Curriculum Vitae roimh an 6 Nollaig 2022 chuig:

An Cathaoirleach, Comharchumann Oileán Árann Mhór CTR, Árann Mhór, Co. Dhún na nGall.

Ríomhphost: coamteo@gmail.com

